

宋平江城坊考補遺

靈芝坊 徐大焯燼餘錄顧淡雲別號夢梁詞人著有夢梁集居靈芝坊亦歲寒社友

德慶坊 中吳紀聞著作王先生程門高弟諱頴字信伯世居福之福清父仲舉徙平江先生爲人清純簡易達於從政有憂時愛君之心有開物成務之學子孫世守德慶坊故居云

甘節坊 虞圖南沼吳編建炎庚戌兀尤南寇難妓朱素素碎盃自刎於甘節坊

桃花隴街 燼餘錄入閩門河而東循能仁寺章家巷河而北過石塘橋出齊門古皆稱桃花河河北皆桃隴地廣袤所至駭大雲鄉全境今大半爲菜園章園桃李十存一二梅園古樹幾難蹤跡然游人事仍此探春杜荀鶴有桃花河詩人皆能誦之 又章申公有妻之喪殯於旃檀庵庵後有五畝園舊址漢張平子衣冠墓皆梅校理修復

宋平江城坊考補遺

者柳隄花塢風物一新西南卽章氏膏腴地阡陌交通溪流縈帶廣七百畝諸公子顧而樂之廣闢池沼旁植桃李曲折凡十餘里仍桃隴舊名又築走馬樓於五畝園西俯瞰園景歷歷在目莫春三月菜花油油黃金布地一望無垠其西卽申公功德祠曲室洞房環列左右極幽雅之趣其後章子詠華遂藏嬌其中長曰碧桃工詩詞著有微波集次曰紅豆擅絲竹兀尤陷城時碧桃隨章子殉難紅豆被辱不能起火化於樓臺一炬中有婢春雪檢章子碧桃之骨歸葬於西崦山 謝家福五畝園小志引閑亭日記云桃隴之名不始於宋宋范成大閩門泛槎詩有桃隴論今昔之句案錄中仍稱桃隴舊名乃不始於宋確証也又案申公誤用章子厚爵號莊簡實封秦國公

隆興橋 五畝園小志隆興寺在桃花橋街隆興橋北相傳宋時勅建寺基甚廣桃花橋街口石柱卽其寺門然不載郡志亦無碑記可証橋建於北宋隆興元年意寺亦建於



是時以祀蔡隆興者寺北有東蔡家橋西蔡家橋卽蔡莊舊址

柳毅橋 平江記事柳毅爲洞庭龍女傳書事乃荒唐之說今吳城有柳毅橋太湖濱有柳毅泉意毅乃吳人也彼橋乃住宅之路泉乃別業之井耳 燼餘錄朱勔毀閭門內北倉爲養植園事敗後養植園花木盡斫爲薪僅存二丈大石六七枝偃仰柳毅橋畔至今猶存

滄浪亭 中吳紀聞滄浪亭予家舊與章莊敏俱有其半今盡爲韓王所得矣按據此則滄浪亭曾半歸龔明之家爲自來志乘所未詳

烏鵲橋 燼餘錄方家閣在烏鵲橋方謙庵先生故居先生諱通父深究天人之學著有諸經粹說二十卷讀史評論三十卷非子十卷鄉里典型十卷經世大本錄四卷謙庵文集八卷家有藏書閣五楹環閣水池環池竹木日著書其中寒士無書可讀者任聽入閣借看質疑問難不少厭

宋平江城坊攷補遺

倦有側讀斜揭者教以端坐正書輕揭平覆謂卽居敬之一端子二人督課甚嚴不使應試年八十二卒卒之日寒士環而哭者充其廬私諡惠達先生

儒學坊 雲麓漫鈔林高閩人擢第終屯田郎中子燮亦擢第爲集賢校理入儒學傳終於京師妻黃氏攜其孤扶柩將歸葬閩道出姑蘇時蔣公侍郎堂知姑蘇二子長子希次子曰方年十二三贅文上謁蔣大奇之留姑蘇給以戴城橋官屋後號儒學坊爲葬二櫬於寶華山蔣公遺其子與二林讀希字子言後爲樞密曰亦爲從官蔣之子卽之奇字穎叔亦爲樞密子言昆弟六人希旦紹顏並登科遂爲姑蘇人按戴城爲帶城之誤中吳紀聞有辯證

帶城橋 中吳紀聞鄭景平字希尹居帶城橋爲人剛正不詭隨蒞官有廉聲

東禪寺 平江記事吳城東禪寺古佛象容貌端嚴頂珠圓徑數寸宋乾□甲午歲忽有毫光紅黃青紫頂中出現土



庶觀瞻檀施山積後三日有老翁疑其怪固請梯升卽佛  
光燄而窺之乃見佛象之首開一穴以手捫之有二白鼠  
長可尺餘自穴中躍出綠光燄燄入藻井內遂得碎幡數  
片以紅幡映頂珠卽紅光青黃紫亦然人皆歎息而去或  
曰佛金仙也而白鼠之禍作光於其頂得非金氣感乎是  
後金孽遂與兀朮之來大被其虐

醋坊橋

中吳紀聞賀鑄字方回本山陰人徙姑蘇之醋坊  
橋有小築在盤門之南十餘里地名橫塘方回往來其間

盧志云鑄寓在昇平橋云醋坊橋誤今姑附此以備一說

廣化寺

中吳紀聞徐師閔字聖徒仕至朝議大夫退老於  
家日治園亭以文酒自娛樂時太子少保元公絳正議大  
夫程公師孟朝議大夫閻邱公孝終亦以安車歸老因相  
與繼會昌洛中故事作九老會章岵爲郡守大置酒合樂  
會諸老於廣化寺又有朝請大夫王琬承議郎通判蘇温  
與焉公賦詩爲信諸公皆屬而和之以爲吳門盛事

宋平江城坊攷補遺

三一

官沙巷

李模撰燼餘錄序徐大焯吳縣人元初居桃塢慶  
雲里卽今官庫巷 燼餘錄慶雲里在東荷池東亭額岳

少保手筆兀朮之難梅章園林鞠爲茂草亭偏以東獨存  
地接慶雲里東皆農田菜花黃時士女如雲文丞相微時  
道出平江嘗題亭壁有一片黃雲萬頃田江南父老慶豐  
年之句時張少保尙隨某軍府使令適亦過此兩賢相見  
自此始 又城陷年前慶雲里陳明叔家吉祥草梅園書  
帶草廬中帶草均長丈餘披拂及簷北兵至兩家多自經  
者太湖鼠千萬成羣登岸食稼不知自來亦一奇也

北禪寺

燼餘錄大慈寺在東北園晉高士戴逵故居逵子  
顯捨宅之半爲乾元寺其半歸陸司勳唐咸通中陸亦捨  
爲北禪寺祥符中兼有乾元之地大起殿宇勅賜今名旁  
闢池亭納皮陸詩石四圍栽樹花木一時稱盛游人過章  
園梅園者必一至其地因稱爲東北園建炎之難爲兀朮  
偏將所據在城老樨盡數就戮於此積薪焚屍寺亦俱燼



百口橋 燼餘錄 簾影詞人某氏女工詞曲爲諸社冠家富  
孤生又苛擇婿因是年二十尙未家也庚戌城陷被掠以  
病見遺爲軍卒所得鬻入青樓班頭利其豔慧不肯輕脫  
遺黎慕其名者窘於資乃爲嘉興李懶皮所贖懶皮不識  
一丁贅於李業米豆至是內家被毀室人病痲遂擁婦資  
買屋百口橋寔簾影故居爲尤姓軍官所鬻也簾影入內  
見瘞藏無恙秘不言久之夫婦益悍懶皮益懶乃與對天  
要約發所藏四萬五千金歸懶皮自取三千金別嫁劉仲  
高劉亦名士踰年死李不一月大婦死別買姬妾十餘人  
氣燄益豪才命相剋如是哉

臨頓里 燼餘錄 吳雲公雅善詩詞居城東之臨頓里著有  
香天雪海集傳誦一時靖康國難後披髮佯狂更號中興  
野人厭棄城市時往來於吳江李山民家李卽忠愍公諱  
若水之姪避寇來吳就館吳江與雲公爲僚婿且同爲歲  
寒社詩友也

宋平江城坊故補遺

四

萬壽寺橋 中吳紀聞張僅字幾道居萬壽寺橋與顧棠叔  
恩皆爲王荆公門下士荆公修三經義二公與焉幾道登  
第官至著作郎未幾捐館方子通作輓詩至今誦其書者  
爲之出涕

南寨巷 北寨巷 燼餘錄 兀尤陷蘇時荼毒生靈歷古未  
有小兒十歲以下男子四十以上及四十以下不任肩負  
與識字者婦女三十以上及三十以下向未裹足與已生  
產者盡戮無遺尤奇者凡有書籍之民居有簿記之店肆  
必盡火其屋盡殺其人雖婦稚不遺去時以一衾絡一女  
一兒使兩男擔之大約裹脅以去者十萬人城中僅留有  
病婦女四千一百餘人於南寨使遺黎邵登轍等四人守  
護之留一萬六千七百餘人於北寨亦有病婦女使蔡隆  
興等十人守護之去前夕封邵爲千戶蔡爲萬戶並給金  
帛有差所據全城屋宇中男子病不能行者盡殺之婦女  
或驅入寨或亦殺之謂之洗城 虞圖南沼吳編建炎庚



戊兀尢南寇二月二十四日犯胥盤葑婁四門闔城居民  
麇集於城北土寨夜五漏兀尢破盤門入二十六日未明  
寨亦陷先驅兵士戮寨外次脅丁男歸獻金金盡殺之次  
斬老婦嬰兒於東北園積薪焚屍兀尢宴諸酋於天半樓  
遂踞寨三月朔始出闔門去初三日諸軍凱旋寨中慶雲  
菴旃檀庵報恩寺楊柳樓臺張家祠劉家祠梅園章園孫  
園蔡莊以寇巢燬婦女二萬餘人以從寇籍蔡隆興倡義  
瘞河中男屍五千餘女屍十一萬一千餘暴露男屍六萬  
二千餘女屍二萬五千餘火化男女骨十五萬七千餘贖  
回營妓二千三百餘人周宣撫陷以通寇駢於市里人於  
蔡莊築庵祀之黃十二齡童衛母傷寇釘死臨頓橋門吳  
邑吏曹行謙以擊寇支解伶人呂巧以罵寇拔舌吳永年  
妻及姊擒曾投水雛妓朱素素碎盃自刎於甘節坊徐靈  
姐破兀尢首鬪割於天半樓張采姑刺入對山閣不屈墜  
樓死三女子從之失其姓劉士誠妻扼寇項入子城河死

宋平江城坊攷補遺

五一

五畝園小志宋制駐威果六十五指揮禁軍於報恩寺西

全捷二十一指揮於城西北建忠順官寨於北寺後

按寨

在報恩光孝寺北見范廬二志光孝乃萬壽寺非北寺也御前拱衛水

步軍寨於北寺東御前游擊軍寨忠勁軍寨於北寺西元  
代就其地駐鎮守平江十字路萬戶翼軍府明初移建衛  
所於飲馬橋始以其地爲教場沼吳編稱城北土寨及大  
營門之名實因乎此



宋平江城坊考再補遺

妙湛寺

吳門表隱城中七塔第七在望汎橋西宋開寶間

建建炎兵燬故地名七塔寺前巷地卽許氏石虹園後爲金幢庵饗案盧熊洪武志府城圖確駢立七塔顧氏第七之實說因臆斷而誤

槐樹巷

府志皇甫信宅在南倉橋之西七十步皇甫氏宋

南渡時自朝那徙居以漢太尉食邑槐里樹兩槐曰槐樹巷四傳至信六世孫冲爲居第記

錦帆涇

盧志今之市河南自憩橋北出香花橋之西乃昔

之新河卽錦泛涇也蓋自古沿河無民居兩岸栽植花柳春時映水如泛錦故鄭虎臣閨燈實錄引圖經載杜荀鶴詩曰夜市賣菱藕春船載綺羅亦以錦泛涇夾映花柳而云然今俚俗乃指此爲錦帆涇相承既久莫知其非蓋帆乃泛音之誤耳使錦帆果曾游此則小橋櫛比檣桅起倒不亦勞乎觀此則其訛不待言而可見矣

宋平江城坊考再補遺

燕塘匯

宋孝宗御賜通神庵碑蓑衣何真人卒葬燕塘之

原饗案圖中燕塘匯本臆斷爲在今東西匯之間讀碑至此始覺尙不武斷



吳中氏族志攷補

盧熊洪武蘇州府志有氏族門姑蘇志因之乾隆吳縣志據以纂入仍未能脫盧氏窠臼也且細覈之於盧氏原著幾視若不韋之書榜諸國門不敢改一字者亦云慎矣間嘗不揣冒昧據吳郡志以來坊巷橋梁所表列流寓土著之紀傳旁及國史所記瑣乘所錄金石竹帛之所遺留姓氏譜牒之所著錄於盧氏所未備者攷訂之蓋闕者勦補之而於異姓奇氏則尤三致意焉博雅君子就斯編而擴充之將見譜牒之學日益恢宏不讓世本路史專美於前而三吳故家喬木庶不致數典而忘祖云

成氏 周武王第五子邲叔武之後子孫以國爲氏後爲楚所滅子孫去邑爲成唐末有成及爲蘇州刺史有政聲見五代史吳越世家錢鏐傳中及吳郡志官吏傳吳郡志平江圖有成家橋盧志有成家浜巷

開氏 望出陝西姬姓衛公子開方之後宋有開趙嘗取肝救

吳中氏族志攷補

父詔曰開趙昔忠於國今孝於親以武功大夫英州刺史特轉團練副使府志冢墓門著錄宋浙西總管團練使開趙墓凌壽祺泚墅關志謂卽開家山斷碑在山前東嶽殿壁間吹網錄云見拓本始知係埋銘不審何年出土今城中有開家巷疑卽其私第所在案盧熊志坊市門亦著錄開家巷

燕氏 始興羽音召公奭封於燕其後以國爲氏又望出上谷范陽吳郡志著錄燕家橋平江圖載其旁有燕國夫人廟盧志廟爲孫權乳母陳夫人立宋淳祐中提刑胡穎拓四酒務隙地爲射圃鑿河引橋下水北入圃內於古墓得石函上刻燕國夫人首級六篆字遽命碎之舊傳酒務本夫人宅據此則知吳中之燕乃出燕國夫人後也盧志著錄燕家巷同治志燕家浜舊稱巷

佐氏 平江圖著錄佐家橋吳郡志亦著錄之攷通志氏族略左人以官爲姓也如封人雍人之類孔子弟子有左人鄆字子行魯人見史記仲尼弟子傳佐氏疑左人之合文今俗作



祖家橋非

芮氏 吳郡志平江圖均著錄芮家橋乾隆吳縣志在馬禪寺後盧志引祥符圖經著錄芮橋吳郡志平江圖亦載之康熙志在穀市橋西側按芮氏平原徵音系出姬氏周司徒芮伯萬之後漢芮社從孫堅征伐有功薦為九江太守曆吳郡所在有聲見氏姓譜宋提舉常平茶鹽司題名有芮輝名宦所寓即以題橋其例至多

梅氏 平江圖梅家橋吳郡志作梅橋姑蘇志梅聖俞寓此因名又吳縣二都村有梅灣十五至十八都村有梅舍二十至二十二都村亦有梅舍

藍氏 盧熊志著錄藍家巷與蕭家巷相次案盧志園第門萬華堂在資壽寺後為提刑藍師稷所居植牡丹至三千株多得洛中名品師稷字叔誠開封人

上官氏 盧熊志坊市門仁美坊南獻子巷口表右史上官渙西所居又園第門靜庵上官渙西之所居中有采菊堂渙西

吳中氏族志攷補

字元之邵武人端平初知池州先事為防江之圖及金人入寇渙西率舟師往來上下流大張聲勢敵乃引去姑蘇志會道觀在東城下宋既內附蜀人鄧道樞游吳中得上官氏廢圃建此觀

尚氏 上黨郡系出姜姓向國之後以國為氏後訛為尚北禪寺門左紹興三十年寶積教院井闌富郎中巷口街東面西居住奉三寶女弟子母親尚氏八娘今此闌尚存湘城附近有尚澤蕩見姑蘇志水利門

邢氏 姓氏備考邢居士大梁人游於蔡季通之門遭韓侂胄禁偽學埋名徙姑蘇其孫谷真當宋末率妻子居鄉耕讀足迹不入城市見馮志雙塔寺南妙湛寺廢址淳熙十年義井題記佛弟子邢邦常姑蘇志坊巷門城外有邢家巷康熙志在葑門外附郭又鄉都門吳縣二十三都村有邢舍長洲縣十七都有邢塾

富氏 平江圖著錄富孫橋在今婁門內平江路吳郡志亦載



之以顧周任蔣吳錢徐胡諸橋例之知係兩姓也盧志氏族  
門富氏世家京洛嘉祐中富嚴守蘇州喜吳中風物之美因  
居不去子孫遂爲吳人

暨氏 盧熊志氏族門暨姓出吳郡元祐間唱名有暨濤暨吉  
屑切時作洎濤呼不應是時刑部侍郎蘇頌云恐是暨音以  
結呼之卽應三國志有暨艷乃吳人旣而問之果平江人按  
能仁寺東橋一名闕家橋今俗訛接駕橋闕接音近不如結  
接疑暨家橋之訛

諸氏 盧熊志著錄諸家巷氏族門諸氏音遮後漢洛陽令諸  
施吳郡人今吳郡有此氏按氏族譜瑯琊徵音越大夫諸稽  
郢之後吳郡志諸家橋平江圖訛查家橋盧志諸先生巷姑  
蘇志誤查先生巷得盧志氏族門說可以互證矣姑蘇志吳  
縣二十九三十都有諸家灣馮志誤查灣

笮氏 盧志氏族門側迫切亦作笮風俗通有笮倫今吳郡有  
此姓吳志漢中有笮融居丹陽同治志笮家園保吉利橋南  
吳中氏族志攷補

古名笮里吳大夫笮融所居

湯氏 盧志氏族門宋有道人湯惠休正元道人湯靈徹宋州  
刺史湯柔並吳人案盧志坊市門著錄純孝坊湯家浜東姑  
蘇志皋橋東側有湯家浜卽其地今世稱湯家巷

閻氏 姬姓武王封泰伯曾孫仲奕於閻鄉因以爲氏又云王  
少子生而有文在手曰閻康王封於閻城盧志氏族門今蘇  
州有閻橋案六一居士集金部郎中閻公神道碑象知蘇州  
和其風俗而柔以善政恩澤涵濡民以蘇息閻氏殆其後人  
歟

嚴氏 盧志氏族門本莊氏楚莊王之後以謚爲氏前後有莊  
助忌皆有夫子之稱又有莊光後以犯明帝諱改爲嚴氏按  
盧志坊市門著錄嚴家巷在閻橋附近姑蘇志長洲縣六至  
十都村有嚴巷

章氏 盧志氏族門本出姜姓太公望之後封於鄆子孫以邑  
爲氏後去邑作章嘉祐中浦城章案爲蘇州教官就居於此



故南北二族窳居城北號北章惇居城南號南章案吳郡志著錄東西章家橋在城北又盧志著錄章家橋巷今俗訛裝駕橋巷所謂北章也又吳郡志著錄東南隅章家橋吳郡金石目謂望門橋南小橋題字有重九日章府一力建云云所謂南章也又報恩寺塔甄殘字有白礮橋北章家巷盧志亦載之而閻橋左右盧志復著錄章家巷章氏之盛可見一斑姑蘇志吳縣五六都村有章家

蒲氏 盧志氏族門本出山陽有蒲中行者元祐間爲臺官論列蘇軾不學無術收買私鹽時多薄之建炎南渡占藉吳中弟安行者有女嫁趙不衰案吳郡志有蒲老橋平江圖列今蒲菱巷疑巷名於古亦當稱蒲老涉雙聲而誤也

鄔氏 太原晉大夫鄔藏之後孔子弟子有鄔單晉有鄔彤工草書如寒林棲鴉盧志引祥符圖經著錄鄔家橋平江圖亦載之在許蘊子巷口

皋氏 漢皋伯通居閻門梁鴻嘗賃廡其家祥符圖經吳地記

吳中氏族志攷補

均著錄皋橋馮志二都八圖有皋莊

仰氏 吳地記著錄仰家橋在今湯家巷中按氏姓譜仰汝南宮音今吳興新安常有此姓攷宋有仰仁謙吳興人吳門表隱三家村在平江路北張士誠時止存仰胡沈三姓聚族死守婁門又仰家莊在葑門外明大理仰瞻所居明史虞謙傳附仰瞻長洲人則吳中之仰歷宋元明而未艾也

艾氏 平江圖著錄艾家橋在盍簪坊盧志亦著錄艾家巷按宋艾仲儒字道中爲兩浙運使部內官文質入奏其有治績降璽書獲諭疑卽其人

吾氏 晉書吾彥仕吳後入晉官中南中都督交州刺史舊志載入人物傳姑蘇志吳縣二十三四都村有吾山長洲縣二十六七都有吾村吳門表隱報恩寺塔磚殘字長洲縣儒教鄉舸城北保居住女弟子吾氏十娘吳郡金石目亦載之據此則吾彥子孫蕃衍於蘇城內外矣吾友吾梅孫茂才錫麒乃其苗裔也



侍其氏 姑蘇志侍其巷靈芝坊內侍其沔所居

閩邱氏 盧志閩邱坊朝議大夫閩邱孝終所居故以表之攷

鄭國閩邱氏食邑於此故以命氏宋有閩邱賓用隱於吳市

吳公納極推重之其季子卽御史中丞恪

支氏 盧志著錄支家巷支使巷在城西太平橋附近又支史

巷列故市巷章家橋巷間疑卽今玄妙觀東俗訛之洙泗巷

氏姓譜其先月支胡人也因作氏姑蘇志閩門外彭華鄉有

支家橋

居氏 盧志著錄居公巷列石匠巷後案明有居節爲文徵明

入室弟子吳人據志則宋元間吳中已有居氏矣氏姓譜居

雁門宮音晉大夫先且居之後以王父字爲氏又望出渤海

姑蘇志胥門內有居涇橋

麋氏 盧志著錄麋都兵巷又人物傳宋麋箕溧子師旦孫弁

兄其先胸人朝議封吳中開國男亦見盧志封爵表又園第

門麋右司宅在杉瀆橋按楚大夫受封於南郡麋亭因以爲

吳中氏族志攷補

氏又工尹麋之後又望出東海南陽

光氏 吳郡志禰事門丁晉公師老郁先生居光盪巷盧熊志

坊市門亦著錄之今居民十口相傳稱光盪子巷以許蘊子

巷例之蓋盪子其字光其姓也晉書有光逸爲博昌小吏樂

安人近世桐城有光氏極卓著氏姓譜田光之後子孫避地

以光爲氏吳中光姓僅一見於此巷名

白氏 黃帝之後秦大夫白乙丙楚有白公勝攷姑蘇志著白

重章巷在烏鵲橋附近樂天爲刺史後子孫未聞僑吳不詳

其淵源所自姑蘇志長洲縣村有白坊

倪氏 姑蘇志著錄倪真巷盧志又著錄倪巷張倪金浜巷姓

氏譜千乘鄭武公封次子於倪因氏又鄒黍來之後亦爲兒

氏避讎改爲倪元有常德路總管倪德政吳人有惠於民

德之旣去郡人爲立遺愛碑見湖南通志明有倪維德字仲

賢吳縣人精醫術見明史方技傳宋以前無聞人可攷盧志

著錄兒氏謂吳有語兒生而能語因以爲氏漢書兒寬千乘



人通作倪疑二氏同出一源

祝氏 周武王封黃帝之後於祝因氏又祝史之後以官為氏  
吳郡志有祝橋平江圖亦載之在烏鵲橋南古赤門水北入  
城之道也姑蘇志長洲縣村有祝巷

司馬氏 程伯休父為周司馬錫以官族因氏盧志坊巷門有  
司馬巷在馬津橋又婁門外有司馬涇橋

公孫氏 黃帝太岳之後盧志坊巷門有公孫巷在醋庫巷北  
丁氏 齊太公生丁公伋子孫以字為氏宋丁謂世居吳下吳

郡志平江圖有丁家橋盧志有丁晉公巷丁家巷一在城東  
冠坊一在城西支家巷附近 姑蘇志有丁家巷在城外又長洲六

十都村有丁家  
余氏 盧志西南隅有余家巷又有天燈巷疑即今板寮巷中  
余天燈巷秦由余之後以王父字為姓姑蘇志長洲縣一至

五都有余村  
林氏 盧志有林家巷一在白礬橋附近一在閶橋附近雙林

吳中氏族志攷補

六一

巷在盍簪坊南又大雲坊林處所居殷比于子堅逃難長林  
山因氏又平王庶子林開之後宋林藏字子禮吳人舉進士  
乾道中為浙東提舉常平五年知秀州所至有善政博學高  
才尤長於漢隸姑蘇志長洲縣二十四都有華林

潘氏 盧志著錄潘家巷亦在支家巷附近周文王畢公之子  
孫食采於潘因氏隋有潘徽字伯彥吳人著韻纂三十卷見

隋書宋有潘兌字說之不登朱勳之門見盧志  
顧氏 盧志著錄氏族門按盧志坊巷門有顧家巷亦在支家

巷附近吳郡志平江圖有顧家橋吳顧悌所居在布德坊又  
盧志引祥符圖經有顧氏橋在百口橋附近東漢顧訓宅也

又有顧周橋盧志閶門外有上顧涇橋姑蘇志吳縣村有顧  
塔一在五六都一在三十四都

邊氏 宋平公子御戒字子邊其後以字為氏宋邊珣自陳留  
官姑蘇樂其風土遂世為吳人盧志邊侍郎知白旣仕而歸

築室於金獅子巷



常氏 衛康叔支孫封常因氏焉又有姓恆亦改爲常姑蘇志鄉都門附村有常舍在吳縣一都

王氏 姑蘇志吳縣一都村各有王家盧志有南王家巷北王家巷王武功巷王樞密巷姑蘇志又有王洗馬巷又王判司巷卽雙塔寺前王文罕所居又吳縣八九都村亦有王家十至十二都村有下王二十至二十二都村亦有王家長洲縣村有南王巷王墩王塾

李氏 平江圖有李公橋盧志有李計議巷姑蘇志亦著錄之作李基巷今山塘有李繼宗巷吳郡志有李師堂橋姑蘇志吳縣一都村有李豎棠顛頊曾孫堯時咎繇爲理官子孫以官爲氏殷末裔後理利貞避難伊侯之墟食木子變姓李十一代孫老君一居趙郡一居隴西宋有李成吳人善繪山水見宋元以來畫人姓氏錄姑蘇志有李橋在胥口又吳縣八九都村有李巷長洲縣十一至十三都有李村

朱氏 盧志氏族門著錄姑蘇志吳縣一都村有朱團吳郡志吳中氏族志攷補

有朱家橋盧志朱涇橋在盤門外下朱涇橋在閶門外又朱涇橋在齊門外又朱涇橋在葑門外姑蘇志吳縣二都村有前朱後朱三十四都村有朱塔長洲縣二十二三都村亦有朱塔

樊氏 文王後虞仲支孫爲周卿士食采於樊因氏姑蘇志吳縣一都村有樊村橋梁門齊門外有樊涇橋

尹氏 少昊之子般爲工正封尹城後因氏焉一云卿尹三公官也以官爲姓宋尹焯致仕寓平江虎邱西庵世稱和靖先生姑蘇志吳縣一都村有尹塔長洲縣鎮有尹山

胡氏 胡瑗爲蘇州教授因家焉吳郡志有胡家橋一在西南隅今俗名線香橋一在東北隅在斜路橋附近一在放生池稱南胡家橋今鐘樓附近又有曹胡徐橋卽南新橋徐胡橋一卽衆善橋一在吳趨坊而胡廂使胡書記則更著其官名焉又姑蘇志吳縣一都村有胡塔盧志齊門外有胡家橋姑蘇志吳縣十三四都村亦有胡塔



夏氏 姑蘇志吳縣一都村有夏塔盧志閶門外有夏墩涇橋

彭氏 盧志有彭家巷姑蘇志吳縣一都村有彭涇

謝氏 姑蘇志吳縣一都村有謝湖胥門外有謝涇橋長洲縣

六至十都村有謝家十一至十三都有謝家莊

薛氏 盧志著錄薛家巷在富郎中巷內姑蘇志吳縣一都村

有薛家吳郡志引祥符圖經云越來溪橋久廢淳熙中居民

薛氏以奩具錢復立之越來溪水自此橋北流過橫塘也盧

志閶門外有薛市涇橋婁門外有北薛涇橋

陳氏 姑蘇志坊市門有陳僉事巷今吳中有陳千戶橋又有

陳麻皮巷姑蘇志吳縣村有陳家一在一都一在五六都又

有東陳亦在五六都陳巷一在十三十四都一在十五至十

八都又有東陳在二十至二十二都長洲縣廿九部有陳灣

姚氏 姑蘇志有姚家巷在南濠吳縣一都有姚家村周有姚

光唐有姚兼濟均吳人村鎮門有大姚在長洲縣二十六七

都

吳中氏族志攷補

唐氏 陶唐氏之後封唐侯以國爲氏盧志著錄唐家巷一在

支家巷附近一在婁門內今吳中東南隅又有唐家巷爲明

千戶唐岳所居平江圖有唐家橋姑蘇志葑門外有唐墩橋

又吳縣十三四都村有唐巷十五至十八都有西唐長洲縣

二十五都有唐浦

仲氏 盧志著錄仲家巷按高辛氏才子仲堪之後以王父字

爲氏有宋南渡凡聖賢後裔無不隨以俱南仲氏其一也

曹氏 顓頊元孫陸終第五子爲曹氏又文王第十三振鐸封

曹亦爲曹氏三國時有曹弗興吳人以善畫名冠一時吳郡

志平江圖有曹使橋盧志有曹家巷一在王天井巷一在油

巷又平江圖南新橋俗名曹胡徐橋盧志又有曹虞部巷平

江圖又有曹家橋在葑門內姑蘇志吳縣十至十二都村有

曹巷長洲縣六至十都村亦有曹巷十五至十六都村有曹

村曹窰

楊氏 唐叔虞之後伯僑自晉歸周封楊侯食采於楊因以爲



氏一云周宣王曾孫封楊爲晉所滅其後爲氏焉宋楊存中鎮吳人爲之表和令坊其園第在焉盧志有楊家院子巷姑蘇志稱東楊家巷盧志園第門楊家院子在板寮巷又有楊家巷在府學前盧王二志均載之吳郡志平江圖著錄楊家橋一在葑門內一在黃牛坊橋附近姑蘇志閶門外有楊莊涇橋長洲縣村有南楊家楊思巷楊莊楊家楊涇

郭氏 盧志郭氏園在飲馬橋西南本郭雲大夫所居又著錄郭家巷在金獅巷南吳郡志平江圖著錄郭家橋在花街巷內盧志又有郭樂官巷姑蘇志長洲村有郭巷

萬氏 盧志著錄萬家巷案晉畢萬之後一云芮伯萬之後宋有萬鎮字子靜平江人少師事方暹後游饒雙峯門賈似道帥荆辟充公安書院山長不赴所著有左傳十辨嘗欲仿晦菴社倉率鄉人建之自爲規約姑蘇志吳縣十至十二都村有萬巷長洲縣十五至十六都有萬巷

蔡氏 吳郡志平江圖有蔡家橋在盤門內盧志有蔡家巷在

吳中氏族志攷補

九

烏鵲橋東叔度封蔡爲蔡叔因氏晉有蔡洪字叔開吳郡人鄒氏 宋閔公之後正考父食邑於鄒生叔梁紇以邑爲氏宋鄒軫字行之平江人安貧樂道脫去時俗人咸重之盧志著

錄鄒家巷  
蘇氏 祝融之後陸終生昆吾封於蘇因氏蘇舜欽僑屬吳中因家焉盧志著錄蘇家巷

蔣氏 周公第三子伯齡封蔣以國爲氏左傳凡蔣邢茅周公之胤也漢蔣漸避王莽之亂移居蘇之大皇里卽今吳趨坊西蔣家橋也吳郡志平江圖均著錄之又有東蔣家橋在和令坊西北盧志著錄蔣巷卽其地也吳地記有蔣侍郎橋吳郡志又載東北隅蔣家橋平江圖未載今不詳所在姑蘇志長洲縣二十四都有蔣巷

顏氏 顏子後人南渡時隨駕來吳盧志著錄顏家巷一在天慶觀巷今青龍橋西巷也一在孔夫子巷後一名顏回巷今訛單家巷涉刪先聲轉而訛也一不詳所在與濠股巷樂營



巷相次疑在和令坊一帶吳郡志又著錄顏橋在盤門外

魏氏 吳郡志有魏家橋在今平江路打急路橋東南盧志有

魏家巷在龐蒼巷附近又有魏家院子巷亦相近宋魏文靖

公僑吳有鶴山書院在南園巷今烏鵲橋東南有魏朱巷盧

志亦載之

蕭氏 蕭梁之後國變後指江為姓唐五代時始漸復姓遂合

姓蕭江盧志有蕭家巷又園第門有閑貴堂在醋坊橋東本

蕭氏雙節堂其地一名九曲牆巷又婁門外有東蕭涇橋姑

蘇志長洲縣村有蕭涇

羅氏 祝融之後始姓受封於羅國子孫因氏羅昭諫中歲入

吳興陸龜蒙結游庵於甫里北隅今遺址尚存後歸投錢鏐

累官司勳郎吳郡志著錄羅家橋盧志有羅家巷均在東北

隅

童氏 顓頊生老童以王父字為氏盧志有童家巷在燕家巷

附近

吳中氏族志攷補

官氏 左氏傳官有世功則有官族古人以官名族則有官氏

姓苑亦載之范盧二志均著錄官太尉橋平江圖未載今吳

中官氏不聞有後盧志有官浦橋在葑門外官瀆橋在婁門

外姑蘇志官墳橋在胥門外山水門有官山又有官山橋

金氏 少昊金天氏之後元有金宏業見乾隆吳縣志又有金

弘道金道玄見姑蘇志吳中有張倪金浜巷見盧志姑蘇志

訛張泥金浜巷又有金將仕巷吳郡志有金母橋盧志閶門

外有南金涇橋北金涇橋姑蘇志吳縣三十四都村有金

家長洲縣一至五都村有金市十九都有金家莊二十四都

有金涇二十六七都有金園

葉氏 風俗通沈尹戊生諸梁字子高食采於葉因氏焉盧志

葉少蘊舊宅在鳳池鄉前有魚城橋政和中寓布德坊盧志

又著錄葉家巷在葑門內姑蘇志閶門外彭華鄉有葉巷橋

二十六至二十八都有南葉北葉

姜氏 黃帝生於姜水因氏後太公封於齊盧志姜浩字浩然



明州人以承信郎監平江府都稅務盧志又著錄姜家巷

毛氏 周文王第九子封毛稱毛伯以國爲氏宋毛友誠字伯

明平江人龔安圃高其行誼卽延至領泮宮幾十年有集曰

玩易手抄旣沒於泮宮盧志著錄毛家巷在營橋巷附近營

橋今壽星橋姑蘇志長洲縣村有毛塔

褚氏 宋共公子段食采於褚師因氏焉南北朝有褚洵褚嗣

褚思莊皆吳人盧志著錄褚家巷卽流化坊 見官字門吳縣署

下姑蘇志吳縣十五至十八都村有褚巷長洲縣十九都村

亦有褚巷又二十三都有褚涇

葛氏 出嬴姓顓頊之後封於葛其後以葛爲氏三國有葛玄

字孝先吳人元有葛乾孫盧志著錄葛家巷吳郡志有葛家

橋在杉瀆橋東

張氏 吳中四大姓之一盧志氏族門著錄之坊市門又著錄

南張家巷北張家巷吳郡志著錄南張家橋北張家橋張馬

步橋張香橋又有南張師橋北張師橋宋張循王所居也朱

吳中氏族志攷補

張巷元朱清張瑄所居也城中有張古老巷舊志古一作果

姑蘇志吳縣一都村有張古盧志引祥符圖經有張墅橋今

作張仕觀橋盧志閶門外有張公涇橋葑門外有張家橋婁

門外有西張涇橋姑蘇志彭華鄉有張巷橋吳縣三十四

都村有張家巷十五至十八都有南張長洲縣二十三都

有張涇

翁氏 周宣王庶子食采翁山因氏又望出錢唐盧志著錄翁

家巷姑蘇志在府學東吳郡志有翁家橋姑蘇志長洲一至

五都村有翁里巷

施氏 魯惠公子施父五代孫尾生稱施伯因氏唐施士句吳

人宋有施槃吳縣人家貧力學穎悟過人姑蘇志有施家巷

在城外又吳縣三四都村有施家三十四都村有施塔

周氏 帝嚳生后俊至太王邑於周文王以國爲氏姑蘇志著

錄周方巷在城外吳郡志有顧周橋盧志有周司徒巷周將

軍巷周武狀元巷周太保橋婁門外有周涇橋姑蘇志吳縣



二都村有下周五六都村有周家二十至二十二都村有周巷長洲縣十五十六都村亦有周巷二十六七都有周莊方氏 周大夫方叔之後風俗通云方雷氏之後姑蘇志著錄方基巷周方巷均見城外宋有方輓字叔行平江人魏了翁嘉其學行名其室曰學齋方暹字期甫亦平江人學者稱爲連雲先生姑蘇志吳縣十三四都村有方家

董氏 黃帝之後妣姓國有廳叔安裔子董父好龍龍多歸之曰蒙龍氏舜賜姓董吳郡志有董家橋姑蘇志長洲縣八至十都村有董巷

劉氏 陶唐氏之後受封於劉吳郡志有劉家橋又有劉迪功巷劉真巷姑蘇志吳縣十五至十八都村有劉家

華氏 宋戴公孫督食采於華以邑爲氏世爲宋卿周吳大夫有華登吳郡志著錄華家橋一在黃牛坊附近一在跨塘橋附近姑蘇志又一在葑門外又吳縣二十五都村有西華

程氏 程伯休父後以國爲氏宋程師孟吳人居畫錦坊吳郡志又有程家橋程基橋

吳中氏族志攷補

徐氏 伯益後封於徐爲楚所滅子孫因氏唐徐岱蘇州人於學無所不通徐循矩吳縣人皮日休嘗就借書讀之宋徐鑄元鈞吳人以徽猷閣待制知杭州路吳郡志有徐家橋徐胡橋又有南新橋俗名曹胡徐橋盧志有徐大船巷姑蘇志吳縣二都村有南徐北徐十至十二都村有徐巷二十至二十二都村有徐家

高氏 太公六代孫文公子高孫偃以王父字爲氏晉高岱字孔文吳人吳郡志有高家橋姑蘇志長洲村有高塾

席氏 魯大夫藉談之祖伯儉司晉典籍因氏裔孫環避項羽名改爲席吳郡志有席家橋今洞庭東山席氏尙盛

沈氏 周楚葉公諸梁之後三國時沈友吳人時稱其筆舌力三絕南北朝沈君理吳人吳郡志有沈家橋姑蘇志村名有沈塾又有沈塾橋以邢塾證之沈塾確非昏塾沈溺之義又吳縣十五至十八都村有沈巷



單氏 周成王封少子臻於單邑爲甸內侯因氏焉吳郡志有單家橋

夏侯氏 杞簡公弟他奔魯封夏陽侯因氏姑蘇志夏侯橋唐夏侯司空建

盧氏 系出姜氏齊僂食采於盧因邑爲姓宋有盧草本德清人子秉奉祖居吳人爲之表德慶坊吳郡志有盧家橋盧提刑橋均在德慶坊

錢氏 盧志氏族門著錄吳越廣陵王元璋之後吳郡志有錢橋盧志引祥符圖經有吳錢橋而錢駙馬橋錢都衙橋則爲廣陵王第三子建又有錢官人巷姑蘇志有錢莊橋在橫金埭近錢莊又錢橋在太平橋附近錢涇橋在錢巷又吳縣五六都村有錢塘二十至二十二都村有錢家下錢長洲縣十一至十三都有錢巷

尤氏 閩人避王審知諱而沈去水爲尤吳郡志有尤橋管氏 周文王第三子封於管號管叔以國爲氏吳郡志有管

吳中氏族志攷補

家橋今吳中有管家園姑蘇志吳縣三四都村有管瀆

奚氏 夏車僂仲之後又望出北海吳郡志有奚家橋明有奚昌善詩吳縣人又有奚公橋奚婆橋見平江圖吳郡志以下均誤爲趙公趙婆吳門表隱謂奚仁二天婦建姑蘇志長洲縣十一至十三都有奚莊

孫氏 齊陳無字之子子占伐莒有功景公賜姓孫食采於樂安子孫因亂奔吳孫武爲吳將其後也吳郡志有富孫橋今吳中葑門西街有孫家巷又孫冕宦吳有孫老橋姑蘇志吳縣五六都村有孫莊十至十二都村有孫家橋二十三四都村有孫舍

吳氏 泰伯之後爲吳中第一世家朱張顧陸莫能望其項背也平江圖吳郡志有吳承議橋 葉少蘊居鳳池鄉門前有魚城橋我友朱君錫梁謂卽吳承議橋之音訛以吳城訛爲魚城之例證之良是 又有

吳王橋 以顧周吳錢徐胡富孫之例證之吳王亦當系二姓 吳郎橋又宋吳感吳人仕至殿中丞有紅梅閣在小市橋盧志有吳殿



直巷其居處也盧志葑門外有吳涇橋姑蘇志彭華鄉有吳巷橋木瀆鎮有吳灣橋又吳縣八九都村有西吳十三十四都村有吳家十五至十八都有東吳西吳長洲縣二十二三都有吳巷

喬氏 本作橋其後有去木為喬者又曰匈奴貴姓又望出馮翊盧志有喬司空巷

馬氏 伯益之後趙奢封馬服君子孫氏焉盧志有馬大錄巷姑蘇志有馬巷橋在善人橋附近又吳縣八九都村有馬舍三十四都有南馬北馬又有馬莊長洲縣十一至十三都村有馬保

范氏 范文正世居蘇號范家園見吳郡志第宅門盧志又有范虹蜆巷姑蘇志吳縣一都村有范巷

許氏 成王封裔孫太叔於許以國為氏盧志有許蘊子巷又中吳紀聞許洞所居惟植一竹以表特立之操吳人至今稱之曰許洞門前一竿竹

吳中氏族志攷補

陳氏 盧志有陳麻皮巷

包氏 姑蘇志有包婆巷又十至十二都村有包巷

鄭氏 鄭潛居蘇吳郡志有鄭使橋盧志有鄭使橋巷

陸氏 吳中四姓之一吳地記有陸侍郎橋平江圖亦載之盧志有陸侍郎巷又婁門外有上陸涇橋東陸涇橋姑蘇志閩門外有陸墅橋又長洲縣村有陸涇

何氏 周武王弟唐叔虞裔孫韓王安之後訛韓為何晉何楷嘗讀書城南山中後為太守因以名山六朝時何求何點亦隱居山中盧志引祥符圖經盤門外有何橋

石氏 盧志章岵為郡有石氏請出錢造橋即吳門橋也又坊巷門有石家泥巷姑蘇志吳縣二都村有石家長洲縣十五十六都有石巷

練氏 姑蘇志吳縣村名有練墟吳郡志引舊經著錄練墟新橋姑蘇志市鎮有章練塘

杜氏 盧志閩門外有杜莊涇橋



余氏 盧志閭門外有南余橋北余橋

趙氏 盧志閭門外有趙王涇橋姑蘇志吳縣二都村有趙舍

五六都村有西趙長洲縣十九都有趙巷

宋氏 盧志齊門外有宋涇橋姑蘇志長洲縣村有宋巷

譚氏 盧志婁門外有譚涇橋姑蘇志吳縣十三十四都村有

譚王莊長洲縣二十三都村有譚涇

章氏 盧志婁門外有章涇橋姑蘇志長洲縣二十四都有章

巷

季氏 盧志婁門外有季涇橋

許氏 姑蘇志閭門外彭華鄉有許家橋婁門外有許師橋

黃氏 姑蘇志通安橋附近黃衡橋 衡音行即衙字衙衙樂人也

見篇海

吳縣二十三都村有黃墟長洲縣鎮有黃埭

呂氏 姑蘇志呂浦橋在呂山湖口又十至二十都村有呂巷

師氏 周師尹之後一云古者掌樂之官曰師因以為氏左傳

有師曠姑蘇志東洞庭山有師家橋

吳中氏族志攷補

五

閔氏 姑蘇志婁門外有閔家橋

盛氏 姑蘇志吳縣五六都村有盛塔十三十四都村有徐盛

浦氏 姑蘇志吳縣五六都村有浦莊

江氏 姑蘇志吳縣十至十一都村有江村長洲縣六都至十

都有江巷

中氏 周秦昭料魏將如耳無能不如芒卯之賢左右皆曰然

中期撫琴而對曰王之料天下過矣姓苑亦著錄之宋淳熙

六年永安巷修街磚題記有知府中大林都勸可補吳郡牧

守題名姑蘇志古今守令表之闕又姑蘇志吳縣十三十四

都村有中家

柳氏 姑蘇志吳縣十三十四都村有柳塔

史氏 姑蘇志吳縣十三十四都村有史塔

郁氏 姑蘇志吳縣十五至十八都村有郁舍二十三十四都村

亦有郁舍

蒯氏 姑蘇志吳縣十五至十八都村有上蒯下蒯



安氏 姑蘇志吳縣二十至二十二都村有東安西安

仕氏 氏姓譜明有仕鳳昌黎人正統中為山東信陽縣主簿

姑蘇志吳縣二十三四都村有仕岸馮志誤作市岸

紀氏 吳縣二十六至二十八都村有紀革

革氏 漢功臣表有袁叢侯革朱又有革鑑著祕苑祕圖一卷

紀革村見前

屯氏 三國蜀漢尚書有屯度姑蘇志吳縣二十九三十都有

屯灣

俞氏 姑蘇志吳縣二十九三十都有俞塢

牢氏 氏譜姓孔子弟子琴牢之後姑蘇志吳縣三十二至三

十四都村有牢村

曾氏 姑蘇志吳縣三十七八都有曾家村

秦氏 姑蘇志長洲縣一至五都村有秦村

虞氏 姑蘇志長洲縣一至五都村有虞家

馮氏 姑蘇志長洲縣六至十都有馮巷

吳中氏族志攷補

袁氏 姑蘇志長洲縣村有西袁李

凌氏 姑蘇志長洲縣十四都村有凌甸二十二三都有張凌

殷氏 姑蘇志長洲縣十五十六都村有殷巷

戴氏 姑蘇志長洲縣十九都村有前戴墟後戴墟

滕氏 姑蘇志長洲縣十九都村有滕巷

薄氏 姑蘇志長洲二十二三都村有薄巷

祁氏 姑蘇志長洲二十六七都有祁莊

車氏 姑蘇志長洲二十六七都有車坊

獨氏 姑蘇志長洲三十一都有獨墅正字通獨姓也明有獨

立獨善



吳中氏族志錄唐龍洪武蘇州府志氏族門

吳之著姓凡三十餘自漢以來朱張顧陸望於郡故有朱文張武陸忠顧厚之目又云虞魏顧陸吳之舊姓或云虞魏之昆顧陸之裔岐嶷繼體老成奕世陸士衡云八族未足侈四姓實名家文德熙淳懿武功侔山河猗歟盛矣

朱氏

千姓編云朱高陽之後周封于邾後為楚所滅子孫乃去邑氏朱望出沛國又吳郡或曰朱氏盛大者有九族吳郡居其一今郡之穹窿山有朱氏墓碣字已漫滅其可讀者云一十六世四百二十九年居下邳自平始三年避地至會昌壬戌凡八百四十二年籍于吳此唐時子孫追敘其先過江歲月也

張氏

白氏文云漢侍中張肱避地渡江始居於吳故其子孫稱吳郡人晉丞相嘉以孝悌聞于郡故其所居號孝張里元

吳中氏族志

和姓纂云吳郡張氏本出嵩第四子睦字選公後漢蜀郡太守始居吳郡裔孫顯齊廬江太守紹梁零陵太守

顧氏

本越王勾踐七代孫封於顧余顧城在濮州范陽漢初居會稽以邑為氏章夏卿撰顧少連碑謂顧氏復徙吳會自晉司空和洎梁給事中耀至少連十三代矣世說敘錄有顧氏譜甚詳姓苑云吳郡顧氏漢有荊州刺史顧容又晉有固乘亦有故姓

陸氏

媯姓田敬仲之後也十一世齊宣王少子通封於平原般縣陸鄉即陸終氏之故地因為氏通諡元侯生恭侯發為齊上大夫生二子曰萬曰臯孫賈為漢太中大夫萬生烈為吳令死葬胥屏亭子孫遂為吳縣人十世孫穎川太守開生三子曰卯曰温曰威號穎川枝威生揚州別駕續又生三子曰稠曰逢曰褒稠為荊州刺史號荊州枝稠生



二子曰肅曰謙肅爲丹徒令號丹徒枝世說敘錄有陸氏譜陸景獻自有吳郡陸氏宗系譜一卷

暨氏

暨姓出吳郡元祐間唱名有暨濤暨吉屠切時作洎濤呼不應是時刑部侍郎蘇頌云恐是暨音以結呼之即應三國志有暨豔乃吳人既而問之果平江人

歸氏

左傳胡子國姓歸爲楚所滅子孫或以國爲氏或以姓爲氏以姓爲氏者世居吳郡

壽氏

吳王壽夢之後吳大夫壽越又有壽於姚今吳中尙有此氏

賞氏

姓苑云賞氏吳中八族也晉有賞慶爲郗鑒主簿

兒氏

吳中氏族志

吳郡有語兒生而能語子孫氏焉

姚氏

虞舜生於姚墟故因生以爲姓王莽亂舜後子恢過江居吳郡改姓媯氏

虞氏

武王封仲雍之後於虞城晉滅虞子孫以國爲氏

吳氏

本勾吳國今蘇州城是也越滅吳子孫以國爲氏

孫氏

姬姓衛武丁之後孫耳食邑於威生武仲亦曰孫仲以王父字爲氏齊孫武奔吳爲將武之子明食邑於富春自是世爲吳人

諸氏

音遮

後漢洛陽令諸施吳郡人今吳郡有此氏

蘓氏

音胥又音滑



望出吳郡見姓苑

言氏

孔子弟子言偃吳人今後裔多居常熟

帛氏

姓苑云吳郡人漢五威將軍帛敞後漢有帛宣神僊傳有帛和晉有高僧帛道佺

笮氏側迫切亦作笮

風俗通楚有笮倫今吳郡有此姓吳志漢中有笮融居丹

陽

岑氏

諱暉字公孝黨錮難起逃于江夏山中徙居郡生亮亮生伯伯生軻為吳郡會稽都陽太守唐書姓系表

閻氏

姬姓武王封泰伯曾孫仲奔於閻鄉因以為氏又云王少子生而有文在手曰閻康王封於閻城今蘇州有閻橋後

吳中氏族志

世恐無取

容氏

黃帝時有容成造曆禮記容居吳人

麴氏

本鞠氏也周人漢尚書鞠譚子闕避難改為麴唐有麴信陵吳郡人居洞庭

湯氏

宋有道人湯惠休正元道人湯靈澈宋州刺史湯柔並吳人

崇氏

商時侯國也周文王滅之子孫以國為氏唐開元登科有崇穎宋朝登進士第有崇大年皆吳郡人

沃氏

商王沃丁之後神仙傳有沃焦吳人

胥門氏



左傳吳大夫胥門巢巢居吳門胥以所居爲號其後遂爲氏今作胥氏

角里氏

漢初南山四皓有角里先生者本與周同姓名術泰伯之後在洞庭西山居故以自號子孫遂以爲氏或作角氏後漢有角若叔者乃其後也

冷氏

卽伶氏風俗通云黃帝時典樂伶倫之後今多作上音唐貞元中監察御史冷朝陽吳人

是氏

是儀鸞書衣判是儀無首族變勾吳三國志是儀本姓氏孔融嘲氏儀字民無上故改爲是文苑聯珠

錢氏

彭祖裔孫孚爲周錢府上士因官命氏焉子孫多居下邳漢哀平間錢遜爲廣陵太守避王莽亂徙居吳之烏程五

吳中氏族志

代時廣陵王元璩爲中吳軍節度使卒葬吳下子孫因家焉

范氏

陶唐之苗裔周宣王殺杜伯其子隰叔奔吳爲范氏越有范蠡滅吳辭越居洞庭之東山唐又有范隋爲處州麗水縣丞屬時亂遂家吳地子孫遂爲吳人卽文正公之高祖也

富氏

世家京洛嘉祐中富嚴守蘇州善吳中風物之美因居不去子孫遂爲郡人

嚴氏

本莊氏楚莊王之後以謚爲氏前後有莊助忌皆有夫子之稱又有莊光後以犯明帝諱改爲嚴氏

章氏

本出姜姓太公望之後封於鄆子孫以邑爲氏後去邑作



章嘉祐中浦城章窠爲蘇州教官就居於此故南北二族  
窠居城北號北章惇居城南號南章其二氏甚盛

武氏

著姓開封南渡後定居姑蘇後有名如愚者早孤依故人  
龔伯能刻厲讀書業文詞以祖澤入仕

傅氏

廣韻餘字下註云傅餘氏本自傳說旣爲相其後有留於  
傅巖者因號傅餘氏秦亂自清河入吳漢興還本郡餘不  
還者傅氏今吳郡有之



吳中故市政附物產小識

武林舊事於紀京邑典禮之餘且旁及夫諸市作坊瓦子勾欄酒樓歌館貨物市食小經紀暨諸色伎藝人簡目且略註地址出處茲據范盧王三志所著錄之坊巷橋梁之以諸色工商名者輯爲此目抱殘守闕明知漏萬挂一然亦足以聊補舊志物產門之闕佚云

米行 吳郡志和豐坊米行按卽今西米巷

果子行 吳郡志館娃坊果子行平江圖果子行橋吳郡志作

果子橋康熙志馬禪寺西盧熊志館娃坊果子行西巷口據此宋果子行在今東米巷及衛前街一帶

魚行 吳郡志嘉魚坊魚行橋東姑蘇志魚行橋宋紹興四年重建

絲行 吳地記有絲行橋吳郡志平江圖亦載之盧志絲行橋百花巷口攷平江圖橋在小平橋南小平橋在古吳縣前流化坊巷中今馬醫科巷中也古府治前有平橋故縣前有小

吳中故市政

平橋耳以此推之則古百花巷卽金太史場也同治志今訛爲私行審按古義之泯通人不得辭其責

薦行 平江圖薦行橋吳郡志作薦說文薦部薦薦獸所食草也爾雅釋草薦黍蓬通訓定聲薦蒿類也或以爲野菱無據審按今吳中有朱馬交橋據通利橋橋礎石刻交作菱平江圖作交其體例正與薦同吳地記又有菱薦橋菱草場盧志引祥符圖經作菱草局在子城西三里而橋梁門又言棧橋北草場則知州西三里者爲南草場而北草場亦菱草之棧也故曰棧橋薦爲菱類信非無據費誓魯人三郊三遂峙乃芻菱說文菱乾草也宋重馬政爲之設局立棧以儲之可謂無微不至矣獨是秋高馬肥不能與金元一決雌雄爲可恨耳菱色紫故曰朱馬菱惡紫奪朱其義益顯然馬政爲軍國大事官旣設局不容民間復爲設行則薦行之薦不應作芻菱解明甚致菱可作席故杜陽雜俎曰紫菱之席薦亦可作席楚辭薛荔飾而陸離薦兮注臥席也故世稱臥席曰菱薦



則薦行或卽席行亦未可知明人修橋石刻輒謂相傳春秋時吳相伍大夫帥師祖道錢行於此攷字書從無薦錢通用之文適見其鄙倍而已矣 右行

**藥市** 吳潛廣惠坊記官斂其錢散諸藥市生息以應用藝風堂金石目淳祐庚戌集祥里人義泉題記在吳縣藥市街嘗

按卽今學士街

**穀市** 盧志引祥符圖經有穀市橋吳郡志平江圖亦著錄姑蘇志穀市橋鐵瓶巷內 右市

**醋坊** 盧志引祥符圖經有醋坊橋姑蘇志醋坊橋乙巳建吳郡志平江圖均著錄之宋史食貨志崇寧二年知漣水軍錢景允言建立學舍請以承買醋坊錢給用詔常平司計無害公費如所請仍令他路準行之初元祐臣僚請罷權醋戶部謂本無禁文後翟思請以諸郡醋坊日息用餘悉歸常平至是景允有請故令常平計之大觀四年又詔諸郡別遣倉官賣醋毋得越郡城五里外凡縣鎮村並禁其息悉歸轉運司

吳中故市政

舊屬常平者如故盧志司法廳舊在子城內後以平橋南舊醋庫爲之吳郡志黃由狀元坊醋庫巷又平江圖著錄新醋庫在富仁坊巷中厲鶚東城雜記載臨安醋庫事甚悉而盧志陳振孫傳稱其爲浙西提舉仰體祖宗停廢醋庫邦人至今德之與國史合是知醋庫爲官立儲醋處醋坊則商戶承買醋處也

**船坊** 吳郡志著錄船坊橋姑蘇志帶城橋西盧志著錄船坊巷姑蘇志帶城橋西南又盧志吳地記云石龍在龍壇里卽上元鄉其壇并潭猶存今龍堂水南之地皆爲蔬圃名定花板昔人於旱歲在金氏船坊水底見之其石方不踰丈中作錢文四角有雲氣但以涂泥不得詳辨耳據此則當時船坊確全在帶城橋迤西一帶

**黃牛坊** 盧志引祥符圖經著錄黃牛坊橋吳地記吳郡志均著錄姑蘇志莫詳其始皇祐五年重建康熙志在西成橋北葉夢得避暑錄話朱伯原吾鄉人其居在吾吳黃牛坊



條坊 禮記雜記喪冠條屬注繩也隆興元年傅氏妙喜宮巷塔顛題記條坊巷街西面南居盧志坊市門著錄條坊巷同治志宮巷西調豐巷舊名條坊巷案姑蘇志著錄東打繩巷在西南隅疑卽今支家巷南打線街是知打繩固吳中工作之一也府志物產門工作類付之蓋闕當據以補入

同坊 疑卽銅坊盧志著錄同坊巷按在今獅林寺巷北近志訛同芳俗訛桐芳 右坊

船場 吳郡志平江圖均著錄船場橋盧志船場橋張林浜攷

平江圖在烏鵲橋西盧志又著錄東船場巷西船場巷乾隆吳縣志織里橋南轉東轉西據此則宋吳中船場有二處一

近船坊一不近船坊也

穀場 盧志著錄東穀場巷西穀場巷與蔡家巷相次疑在東

南隅烏鵲橋西

瓶場 吳郡志平江圖均著錄瓶場橋同治志永福寺橋南甯

按橋東有窰基街相傳古窰所在近年里人掘井於窰東數

吳中故市政

十步蔡匯頭東得古陶器如世傳韓瓶狀者無算

草場 盧志棧橋北草場攷平江圖棧橋在齊門內吳郎橋東

右場 右凡行五市二坊五場四

水糲 盧志吳縣長洲各著錄水糲巷一按一在今剪金橋巷

北一未詳與藍家巷祥符寺巷相次相距太遠不易推測

雪糕 吳郡志平江圖均著錄雪糕橋按在蕭家巷東古九曲

牆巷

沙糕 吳郡志平江圖均著錄沙糕橋案在濠股巷賢至橋南

豆粉 盧志著錄豆粉巷今俗名豆粉園在鐵瓶巷市曹橋南

酒 吳郡圖經續記大酒巷舊名黃土曲案其旁有黃土塔橋

今訛大井巷

油 盧志著錄吉油巷在條坊巷西又著錄油巷在草橋東北

鵝鴨 吳地記著錄鵝鴨橋未詳所在吳郡志著錄鵝鴨橋鴨

舍橋攷平江圖一在脩竹巷口今尙書里一在彈子巷口

白磴 盧志引祥符圖經著錄白磴橋吳地記吳郡志亦載之



攷平江圖在穀市橋南吳郡志土物門上白礬出陽山鑿山為坑深數十丈始得初如爛泥見風漸堅膩滑精細他處無比者土人亦當白石脂用本草注吳郡貢石脂又有一等紅紫色者亦以當赤石脂用姑蘇志白礬出陽山潔白如粉可用塗墜亦堪入藥山之東北有坑深數十丈轉為隧道危險不可逼視土人鑿而取之附白石脂出秦餘杭山有五色者蘇州土貢有赤白二色姑蘇志土貢門宋貢白礬

臘脂 吳郡志平江圖均著錄臘脂橋吳郡金石目臘脂橋題記嘉定十五年二月重建按橋在雙塔寺東南

珍珠 盧志著錄珍珠巷武林舊事有珠子市案巷在宮巷中繡線 盧志著錄繡線巷案在海紅花巷後舊志物產門繡精細雅潔稱蘇州繡

羅 盧志著錄新羅巷列故市巷章家橋巷之間姑蘇志田賦門附稅課貢役土貢下引大唐國要圖云吳中歲貢經絲絹綾絹烏銀綾衫段羅紵布折皂布柑則羅故蘇產也又土產

吳中故市攷

門造作類帛之屬羅出郡城花文者為貴素次之別有刀羅河西羅

氈 盧志著錄安氈巷在顏家巷曹家巷附近舊志物產門付諸蓋闕案今唯亭一帶鄉人以織氈為業者居多

幃子 盧志著錄幃子巷列崇甫巷後條坊巷前巾子 姑蘇志著錄巾子巷列大酒巷乘鯉坊間按後漢書單

衣幅巾注幃也冠之屬今浙江鎮海縣東北有巾子山志稱山形卓立形如巾幃故名姑蘇志土產門造作類器用之屬

紗巾吳中漆者最佳南渡後多尚此又以黃練襪之取其耐裹無掀動之患也范成大嘗製石湖巾使北以遺館伴田彥

皋由是傳於四方蒲帆 盧志著錄蒲帆巷姑蘇志宋錢仲鼎通州人僑寓蘇之

蒲帆巷 吳郡志著錄鞞鞞橋平江圖列入小平橋東當在今麋都兵巷東口集韻嬰兒履謂之鞞平江圖題榜作跋攷字書



跋跋行貌單舉一字於義未安疑當時俗訛姑蘇志土貢門引唐書吳中唐貢白簾草席鞵大小此云鞵鞵正大小鞵之義也又吳中宋貢生絲鞵皇祐勅罷吳郡志又著錄草鞵橋平江圖列林岬武狀元坊內吳郡志林坊在樂橋紙廊巷卽此

彈子 吳郡志著錄彈子橋康熙志彈子橋芮橋西盧志著錄彈子巷今案巷在嘉魚坊巷南脩竹巷北

紅爐子 吳地記吳郡志均著錄紅爐子橋平江圖列富仁坊巷內唐人詩紅泥小火爐疑卽所謂紅爐子也

弓矢 吳郡志著錄馬黃弩制度精密彼一矢未竟而此三發存中增損舊志造馬黃弩制度精密彼一矢未竟而此三發矣案吳中善造弓矢姑蘇志土貢門明貢歲造黑漆角弓三百二十張弓弦一千二百條黑漆透甲箭四萬枝存中久鎮我蘇至居民爲之建和令坊弓矢之精辦香有自矣

樂鼓 姑蘇志著錄樂鼓巷康熙志卽史家巷南小弄今吳中吳中故市攷

造作樂器坊尙多

烏盆 盧志引祥符圖經著錄烏盆橋吳郡志平江圖亦載之康熙志在鎮撫司東北

石灰 盧志著錄石灰巷列繡線巷後梵門橋前姑蘇志著錄石灰橋列西石塘橋後單家橋前

磚 吳郡志著錄磚橋平江圖亦載之盧志著錄磚巷與黃師巷相次均在葑門內帶城橋西

車闌 姑蘇志著錄車闌巷云在寶光寺西

織紗 盧志濟川橋孫織紗巷案卽今嘉魚坊巷

燈草 姑蘇志碧潭巷俗名陳燈草巷在城外又盧志著錄燈草園巷在西城

坯粉 姑蘇志著錄沈坯粉橋今俗訛水潑粉橋字書坯坯之俗字說文坯瓦未燒也簪按瓦以泥製不當用粉致齊民要術塗甕法凡坯七月坯上八月坯次則知坯爲塗甕釉也

金銀 姑蘇志著錄金銀巷案在今吳縣後其西南與剪金橋



近

銀鋌 吳郡志著錄銀鋌橋平江圖亦載之案在杉板橋南

杉板 吳郡志著錄杉板橋姑蘇志在金獅子巷內

木柴 吳郡志著錄木柴橋康熙志剪金橋東

小豬 姑蘇志著錄小豬巷在閶門外 右雜市

附物產

芙蓉 姑蘇志著錄芙蓉巷與雙隱巷社壇巷相次在盤門內

槐花 槐樹 盧志著錄槐花巷列王天井巷後諸先生巷前

疑在斑竹巷附近又著錄槐樹巷按在和令坊今十梓街東

棟木 盧志著錄棟木巷案今俗稱蓮目巷者是盧志固與條

坊吉由相次也

丁香 盧志著錄丁香巷案在今平江路

皂莢 姑蘇志著錄皂莢巷與袁繡坊巷四酒務巷相次當在

烏鵲橋北

海紅花 盧志著錄海紅花巷即今俗訛海宏坊巷也本草綱

吳中故市政

六

目海紅一名海棠梨飲膳正要果類有海紅即海棠梨之實

也二月開紅花實至八月乃熟鄭樵通志海棠子名海紅即

爾雅赤棠也

竹 吳郡志著錄篠橋竹隔橋盧志著錄竹園巷姑蘇志著錄

修竹巷盧志又著錄斑竹巷均在閶橋附近惟斑竹巷略北

蘆荻 姑蘇志蘆荻巷張香橋南小巷

蓮 吳郡志採蓮涇橋平江圖列南園附近盧志著錄東西採

蓮巷蓮花池巷蓮城巷吳郡志又著錄小蓮湖橋均作城西

隅

百花 平江圖著錄百花洲盧志著錄百花巷南百花巷均在

城西又城東有花橋子城西北有花巷城西有獻花橋

桑 盧志著錄桑園巷姑蘇志承天寺前

金雀 姑蘇志著錄金雀巷水僊廟前案金雀花名

白蜺 吳郡志著錄白蜺橋盧志著錄白蜺巷吳地記蜺作顯



疑顯子巷亦即蜺子巷

紅鴨 吳郡志著錄紅鴨橋平江圖列帶城橋南

菱薦 吳地記有菱薦橋吳郡志有朱馬菱橋盧志引祥符圖

經有菱草場一云菱草局

草 吳郡志有草橋盧志棧橋北草場

桂 吳郡志有折桂橋

吳中故市攷



七